

Headline  
Date  
MediaTitle  
Section  
Journalist  
Frequency  
Circ / Read

**Hilangkan perspektif masyarakat mengenai Aids**  
**07 Jul 2011**  
**Sinar Harian (Utara)**  
**NEWS**  
**N/A**  
**Daily**  
**60,000 /**

Language  
Page No  
Article Size  
Color  
ADValue  
PRValue

**Malay**  
**u11**  
**176 cm<sup>2</sup>**  
**Full Color**  
**968**  
**2,904**




# Hilangkan perspektif masyarakat mengenai Aids

**TAMAN RIA** – “Hilangkan perspektif buruk masyarakat untuk menghukum golongan yang dijangkiti Aids atau HIV, sebaliknya bantu mereka untuk bangun semula membina diri,” kata peserta Imam Muda, Muhammad Khairul Azhar Ghazali ketika menghadiri Hari Memperingati Aids Sedunia Peringkat Negeri Kedah bertemakan ‘Sentuhan Kehidupan’.

Menurutnya, masyarakat jangan mudah menghukum golongan terbabit yang ingin balik ke pangkal jalan sebaliknya bimbing mereka supaya tidak mudah terpesong lagi.

“Kita jangan pandang hina kepada mereka, kerana bukan kita yang sepatutnya menghukum tetapi Allah SWT. Jangan lupa peranan terhadap generasi muda lain supaya didikan ilmu agama perlu diterapkan sejak awal supaya dapat hindar dari perbuatan itu,” katanya.

Muhammad berkata,



■ Muhammad Khairul Azhar menandatangani plak perasmian ketika hadir ke Hari Memperingati Aids Sedunia Peringkat Negeri Kedah bertemakan ‘Sentuhan Kehidupan’.

golongan muda perlu ditekankan dengan kepentingan solat, dilatih dan dibesarkan dengan alunan ayat suci al-Quran dalam kehidupan seharian selain mulakan dengan konsep berkasih sayang sejak dari rumah.

Sementara itu, seorang bekas penagih dadah yang dikenali sebagai Atuk, 53, berkata, semua pihak perlu bekerjasama dalam usaha menaikkan semangat bekas penagih yang ingin berubah.

“Saya mengetahui diri dijangkiti HIV 17 tahun lalu disebabkan kesilapan lalu dan ketika itu saya tidak dapat menerima kenyataan sehingga sanggup kurung diri dalam bilik selama lapan hari.

“Sepanjang waktu itu, saya mula bermuhasabah diri dan berazam akan berubah diri sendiri serta masyarakat lain yang turut sama menghidap penyakit ini,” katanya.